

影印
文淵閣

四庫全書

影印

文淵閣四庫全書

第一二一六冊

北京出版集團公司
北京出版社

本冊目次

傲軒吟稿	林外野言	鹿皮子錄	詠物詩集	附 僑吳錄	附 補集外詩	句曲外史集	居竹軒詩集	附 不繫舟漁錄	羽庭集
------	------	------	------	-------	--------	-------	-------	---------	-----

元 胡天游撰……………七二五	元 郭翼撰……………六九九	元 陳樵撰……………六三五	元 謝宗可撰……………六一九	明 張習編……………四二一	元 鄭元祐撰……………四二一	元 張雨撰……………三五一	元 成廷珪撰……………二七七	元 陳高撰……………一二一	元 劉仁本撰……………一
----------------	---------------	---------------	----------------	---------------	----------------	---------------	----------------	---------------	--------------

欽定四庫全書

集部
羽庭集卷二

詳校官編修臣范來宗

中書臣劉源溥覆勘

謄錄監生臣程廷璋

謄錄監生臣嚴續曾

欽定四庫全書

集部五

提要

羽庭集六卷

別集類四元

臣等謹案羽庭集六卷元劉仁本撰本字德元天台人以進士乙科歷官温州路總管江浙行省左右司郎中時方國珍據有溫台諸郡招延士大夫仁本入其幕中參預謀議國珍歲治海舟輸江淮之粟於大都仁本實司其事其所署者郎官蓋即元所授故集中諸作大都感慨陷危眷懷王室其從國珍蓋欲借其力以有為徐圖興復亦如羅隱之仕吳越實心不忘唐觀其贈李員外自集慶回河南詩云漢兵早已定中華孫述猶鳴井底蛙於明祖顯然指斥其志可知厥後國珍兵敗仁本就擒抗節不撓至鞭背潰爛而死則仁本終始元人未嘗一日入明永樂大典題曰

欽定四庫全書

羽庭集
提要

國朝劉仁本非其實也仁本學問淹雅工於吟詠多與趙倣謝理朱右等倡和嘗治兵餘姚作雩詠亭於龍泉左麓彷彿蘭亭景物集一時文士修禊賦詩自為之序其文雖不見於集中而石刻今日猶存文采風流可以想見故所作皆清雋絕俗不染塵氛其序記諸篇述方國珍與察罕通使及歲漕大都諸事多記所不載亦可補史闕原本久佚謹就永

樂大典所載以類編次釐為詩四卷文二卷仍改題曰元劉仁本以存真焉乾隆四十六年九月恭校上

總纂官臣紀昀臣陸錫熊臣孫士毅

總校官臣陸費輝

原序

天台之山下盡東海者曰黃巖其別峯走曠原而秀者曰委羽委羽山之人有曰劉德玄者頎然而清黜然而玄飄然有遺世之念自壯時愛讀揚子書所為文往往有類而或過之後涉艱棘履險阨而作又益進其雄篇也浩浩焉不可端倪其小章也幽幽焉又不可破裂噫非玄微之理存於心其所發者能如是歟余嘗即其人與之語矣因疑其山川之氣清淑者盡萃其身而又能

養之全守之固而益充故其山立而水行雲興而霆擊星辰之布列雨露霜雪之滋悴鬼神之冥顯人物之昭煥有若天地之所以化生萬彙而非人力之可及文之玄果若是否乎玄之理在其身有非他人之測識者或謂揚子雲行有所不逮然其文又非後進所能擬是則所著太玄經果玄乎果非玄乎德玄果知之乎余豈得而議之今輯所為文號曰亦玄孰曰不可不然後世有劉德玄者必好之矣軒轅彌明自衡山來愛其文也故

馮物而序之重為歌曰悠悠太虛孰可馮我欲馮之氣
所乘坎壈空盤紛不成精明純白道自寧天台半落黃
山青山中老人劉羽庭吟詩作賦如建瓴軒轅道士來
相迎袖中出我亦玄經起伏萬狀不得名為歌此曲山
月明宋無逸序

自序

至正癸卯之冬十月余被戎事過上虞主胡師德氏有
柳生泰者謁求柳莊詩遂口占授之既而朱君伯賢曰
生能致鬼神為文詞多奇詭即挾入密室請賦白雲巢
篇余方與客詹國器陳惟敬劉坦之僧震雷隱昱大明
及胡生璉立談頃伯賢亟出曰若有降靈馮于物者自
稱為韓愈氏即軒轅彌明書諸几曰聞羽庭公能文章
敢請見教邀余及眾客入室余辭以無與似者大明取

余近製守拙齋記一篇質諸神神使誦之若有聽焉既
終誦乃書曰善則善矣獨中間熙字誤此吾淮西碑中
語也當作嬉眾皆驚愕又書曰羽庭公近著亦玄集吾
請為之序可乎凝神入思頃刻附筆立就辭語絕類韓
子體製因憶向在庚子正月間夢偕士友論文俄而見
巍冠博帶者馮虛陟降謂余曰吾昌黎韓愈也授以片
楮楮中有云文以載道道有顯晦文亦為之低昂道在
日用間文貴平暢則道自然明白文猶製衣也挈其領

而禡之理斯順矣覺而記憶嘗以語卓君習之宋君無
逸今序中乃曰吾嘗即其人而語之矣斯言似有脗合
乎前者噫蘇文忠公作昌黎潮州廟碑謂公之神在天
下如水之在地中無所往而不在又謂不依形而立不
恃力而行不待生而存不隨死而亡者誠哉言也豈余
亦嘗信之深思之至為萬悽愴若或見之邪故不得遺
置輒錄諸編左以備觀覽幸毋訝其迂誕焉是年月既
望天台劉仁本書

欽定四庫全書

羽庭集
自序

欽定四庫全書

羽庭集卷一

元 劉仁本 撰

四言詩

五雲為梧蒼王叔雨賦也叔雨擬托於雲避地

上虞之五郭作雲溪雲堵雲居雲松雲路以自

娛為之賦焉

白雲繫繫于彼澗溪載興載揚為虹為霓為膏為液有

淦萋萋樂只君子述其天倪

欽定四庫全書

羽庭集
卷一

白雲滑滑于彼洲渚其流如脂其湛如水或霈而泄或

窪而澍樂只君子思其霖雨

白雲徐徐鬱彼蓬居以攬以結以卷以舒孰為之構自

我庭除君子戾止其樂只且

白雲溶溶施於長松長松千尺矯如蒼龍白鳥鶴鶴載

蜚載艸君子戾止灑然清風

白雲楚楚覆于行路如軒如坻如迎如遡迺息迺怡靡

或馳騫君子戾止其美無度

五雲五章章八句

五雲美韓也韓祖魏國忠獻王登宋天聖第唱
名時太史奏日下五色雲現益令德之符也既
南渡後嗣孫徙居越上五雲里者祕閣左司公
有作五雲次舊聞詢齋先生有五雲續舊聞莊
節先生有五雲漫縈十世孫諤力學制行扁其
藏書之室曰五雲書而其號五色生昭不忘其
祖也前翰林侍講金華黃公潛傳其事嗚呼豈

欽定四庫全書

明庭集
卷一

二

五雲之瑞與韓氏相為終始歟故作詩美之

猗歟卿雲五色氤氲兆為禎祥天作人文頎頎魏國令
譽令聞既魁多士克相大君以踐台鼎以樹元勲雲施
為澤澤垂後昆

世祈南遷自相徂越五色宅里相攸奕葉如雲斯興奮
乎莫過如火既然如泉既達禮樂冠裳光華炳越宜其
子孫克篤前烈

卿雲五色于日之下作其休徵以篤韓祐頎頎魏國在

帝之所出將入相文武吉甫有子有孫繩其祖武諤也
雲仍其儀楚楚庶幾詩書以永韓祚

五雲三章二章章十二句一章章十四句

俞節婦

原註猗嗟孝節也句稽俞婦閨氏女
勵節克孝人皆賢之故作是詩也

猗嗟賢女來嬪于俞克遵婦道重罹厥辜既喪爾男復
殞爾夫乳子在哺孰相爾孤嫠嫠以樹堅志弗渝績紡
自給養終而姑

欽定四庫全書

明庭集
卷一

三

猗嗟賢女歸為俞婦既失所天伶仃孤苦刻志養姑弗

堪其窶父母欲奪誓則弗許引刀截髮號泣以詛天地

鬼神胡寧弗顧

猗嗟賢婦節孝獨貞姑嬰未疾復醫于盲吮腫舐曉視
為之明既其令終喪弗克塋褰裳偃僕負土以營悲號
哀籲風雨晦冥

猗嗟賢婦克殫節孝懿德令儀是則是效昊天孔昭爰
食其報宜其子孫宜其壽考鬱鬱勾稽雙桓具表我歌

匪溢式勵風教

猗嗟四章章十二句

湖田閔上虞也田利於湖水而或奪於豪石民甚病焉故作詩以閔之也

漠漠湖田瀕于海塽為畝為畝湖水連連以溉以灌稼穡閔閔弗溺于滂弗暵于乾

湖水綿綿歲取百千藝我沃壤粒爾艱鮮誰其作者手足胼胝致力溝洫禹無間然

維田於於受水於湖計水之利亦入其租其租伊何受

欽定四庫全書

明庭集

四

田之家既利其利迺輸其估官弗民病多黍多稌

湖水鋪鋪或堙或蕪弗治弗疏深溝為塗弗剪弗鉏有

荷與蒲彼豪者徒固利以圖謂湖可畜官輸是誣迺泄

其瀦以藝其淤膠我膏腴以害我農夫衆迺弗怒彼有

餘辜

我疆我場我田我穡緊湖之水實利之食樂歲狼戾伊

帝之力蒼蒼者天去此蜚蜚俾浸常淫彼攸田殖深我

溝洫滋我黍稷豈弟君子俾民弗慝後來其詢視于版

籍

湖田五章二章章八句一章十句

石

他山之石既堅以貞既攻既錯于以成城迺疆迺理經始營營萬夫皆作百堵卒興以築以登弗怠于程

謂城益高如陵如畢莫堅匪石莫深匪壕集我畚耜聽我伐鼙民亦來只不敢以告勞

昔我先王有馮有翼作我藩垣保我疆場後來弗修恃

欽定四庫全書

明庭集

五

險蔑德城非不高孰為堅壁

維城連連維守迺堅守或匪良式戾于愆或據以叛或

擅而專或降于敵或棄以捐化為豺狼風雨變遷

民維邦本先哲有言維此屏翰惠我黎元宗子維藩大

夫維垣式遏亂虐以克完完他山之石永矢弗諼

石五章一章十句二章章八句二章章十句

題水木軒

維木有本維水有源水木假義以名我軒源清莫激本秀莫繁激

則潛逸繁則集喧止淵茂植取逢其源南山心遠欲語忘言

五言古詩

寄許具瞻省郎

長松出古澗參天二千尺矯矯冰雪姿不為歲寒易女
蘿附其顛亦復借顏色一朝事斧斤剪伐由中直但願
成棟梁女蘿不足惜

臘底雪

歲未盡三日雪深二尺餘喜作明年瑞先占大有書去
欽定四庫全書
羽庭集
卷一
六
年冬不雪今歲田無儲十室九懸罄空山拾橡咀橡
饑可療拾盡將何如所愁凍餓死不見明年糈

為朱伯言題卷

朝陽有異士曾造重華庭一鼓南風曲萬物為和平東
姬及漢晉秦楚無餘聲彼或怨以怒又或淫而傾素絃
不為理千載懷幽貞美哉昌黎伯掇拾風雅英欣然作
十操擬託周孔名辭情或微隱古意誰能徵抱琴適東
海迺遇鄒陽生廣操一絢繹援琴為我聽三嘆有遺音

始足擴其情天地既寥廓日月行清明夜忽夢聖哲吾

衰感精靈起謝抱琴士伐木何丁丁長揖出門去幽思

秋冥冥

次帥掾張惟彬見寄韻

吾友張公子形骸頗疎放長才鬱未展浩氣自清尚豈
無萬里心為謀三釜餉王良善徒御乃使驂駟踴猶能
範馳驅未信斯文喪念昔與子遊中心日傾向如何久
參商杳爾音書曠懷人天一方氣與孤雲盡明年上玉
階子當擁仙仗儻能貽好音庶慰吾心壯

賀金元素拜福建省叅政仍兼海道防禦

玄靈忽中激四起波瀾狂河源溢故道淮泗迺濫觴大
江汾西下瀾漫汎沅湘浙水注東溟安流稍不揚蒼生
思濟涉孰作巨川航金君將相材起身自文章時危多
武備帝命出禦防三年持節鉞四境民樂康回瀾屹屹
石心赤葵傾陽豚魚既孚信豺鯨俱遁藏喜今膺大拜
擢置居巖廊匪惟天意眷允愜民心望旌旗障海上照

耀閩南荒大厦圯將構瓌材須棟梁車攻能復古東姬
期載昌向來弭節地暉矚有餘光

次楊彥成見寄韻

東方有處女皎若冰霜潔十年無可人布衾冷於鐵萬
里君王心所思漢宮闕及今寡所諧猶自重名節肯逐
兒女妍幽閨夙清絕寧死不苟從從人有真訣君家好
弟昆磊落皆英傑寔修莫致辭令人生肉熱三歎理瑤
琴寄調相思閣上有青山高下有孤鸞別

欽定四庫全書

明庭集
卷一

餞秘書卿貢玩齋于慈溪永樂寺分韻得堅字

牽舟泊洄渚飛觴坐林薄惜別起遐思涼颼散寥廓宦
鞅昔言邁朋簪久離索及茲稅塵轡清華登秘閣雲漢
倬昭回奎躔仰盤礴搔首發孤唱商聲激巖壑

適意為倪仲權作

我有琴一張我有酒一壺我有書一卷我有宅一區物
我兩相忘天地一蘧條吟咏乎情性緩步而舒徐今人
不我薄合與古人居登山時採茹臨淵或羨魚人生適

意耳須富貴何如

雜花林紫微坡益靈源山十一詠之二也為住

山阜上人賦

靈源函丈地種種植羣葩燦若列瓊瑤明如鍊丹砂續
紛衆仙袂絢爛五色霞粉白與黛綠一一含春華為言
觀樹叟且復觀其花恍然色界天風雨成婆娑

贈章履祥入憲幕

幽蘭在空谷泉石生輝光春風茁其穎曉露滋其芳脩

欽定四庫全書

明庭集
卷一

名不自眩信美誰能忘移之古柏下足以怡風霜願持
君子操永佩騷人章回頭視衆草紛紛道路傍

七夕宴會分韻得人字

雙星會七夕芳筵瓜果陳長歌乞巧辭對酒娛嘉賓牛
箱既不服空飲河畔津女織不可被支機久沉淪徒以
智巧名反此愚拙人紛紛兒女輩詐偽日以臻寧知有
大巧淳樸還其真雙星竟無答我亦不汝嗔但見銀河
翻風雨橫秋是杳杳兩靈鵲屋角時來馴

次韻奉答柳州陸德陽

柳州有佳士襟度殊清豁文采鸞鵠俱履操冰霜若芝
蘭映玉樹封胡與羯耒才名人共誇道義羣蒙覺時世
遭亂離行藏始蕭索坐歎扶搖鵬遂困蓬蒿雀海濱忽
解后羈懷慰寥寞伊昔薦南宮起身事文學王迹詩未
亡春秋謹書法禮樂字縱橫珠玉炫參錯波瀾振頽靡
銅鐫敦非薄閭闔風雲會璇璣星斗泊披腹呈琅玕傾
心東葵藿孰謂河漢表支機不可著五色雲錦章迴颺

欽定四庫全書

羽庭集
卷一

十

竟飄落歸來坐黌宮教育資三樂文運夙艱危武流競
聞達健翮尚冥飛靈姿終聳壑未起東山臥且赴西湖
約楊柳曉風清蒲萄春水滌共君解塵纓長歌醉濯髮
題毛貞士傳

蒼蒼松柏操不為霜雪移矯矯君子行堅貞常自持功
名及富貴顛沛與流離小人患得失君子審處之美哉
毛士子淑慎爾威儀彬彬周太史傳實無靡辭願保歲
寒節允懷風雨思清颺激頽波永為衰世貽

贈四明胡古淵

胡生安定系胷中星斗羅手持一寸鐵琬琢千岷峨漢
經與秦繹草隸及篆蝌班班善模勒歷歷能紀掌風雲
挾河漢海岳騰蛟鼉九霄鸞鳳翥圭璧明瑳瑳六書盡
標本八法無舛訛往年在天府魏石蒼穹摩臣模播聖
德刻畫功居多今年歸海上四起紛干戈方叔一戾止
跼跼安鯨波弓刀錫辭誓帶礪同山河文儒載巨筆老
稚齊謳歌崢嶸事鐫鏤千載功不刷淋漓傳墨本觀者
填丘阿作詩美斯善愧爾黃庭鵠明年中興頌微子其
奈何

欽定四庫全書

羽庭集
卷一

十一

寄卓習之教授

天台接四明雪竇連丹丘神仙所窟宅雲樹相綢繆上
有兩白鶴千年結清幽不為鳳凰似不與凡鳥儔天風
忽引去一息三千秋雙雙整羽翮齊落南海頭兩鶴自
鼓舞朝夕鳴相酬一啄丹山頂一飲劔水流丹山彫瓊
樹劔水凝不收遙遙山水間燦爛雲霞浮兩鶴又相顧

誓言毋久留巢穴本同地出處良亦侔寧不返華表誰能上揚州

遊餘姚靈源山明真寺詩

原註寺乃晉支遁講道之所時主席昱大

明宋劉忠諫公四世孫也忠諫與吾生祖郭正甫公同在言路論事為權臣所害故詩語及之

時遊謝安寺今來支遁家昔賢冠蓋地我亦隨行衙旌旗照山谷甲帳浮煙霞峯巒濯秋水熒熒青蓮花燒香開寶殿老衲持袈裟昔逢暑雨足百卉生秋華平川沃禾稻原隰收桑麻雖當軍旅際民物安生涯甚愧二千

欽定四庫全書

羽庭集卷一

三

石田里無愁嗟夜涼開講席奇芬發天葩語及通家好前修倚葦葭羣書在西閣萬竹森交加白雲繞牀下明月來簷牙忘言煮春茗清思散幽遐安得洗兵甲共泛靈源槎

西樓喜雨

并序

癸卯夏四月不雨實切雲霓之望遂有事於山川五月三日始雨四日五日又雨於是領客會於西樓飲酒賦詩志喜也會者凡八人咸謂屬茲艱危在逆旅

中硯田筆耕亦不能無望於獲焉於時雲氣敷落雨聲連續竹檜森爽涼浮几席間似有秋意眾賓憚然相與為樂歸功太空欲即坡仙名亭之意以名樓席長陸君德陽謂余亦郡守也遂摘取韋蘄州詩八句分為起語人各足成篇篇十二句復俾余序之詩如左姓名附見余得起句俯飲一杯酒

俯飲一杯酒仰酌三日霖茲辰屬端陽候律生初陰枯槁沐甘澍一滴當千金禾苗遂長疑卉木良蕭森匪暢

欽定四庫全書

羽庭集卷一

三

西樓樂實慰南畝心懷哉答靈貺永言託微吟

題昱大明住持明真寺行卷後

爾祖與我祖同居宋臺端清名照冰雪蒼天日月寒兒孫百載後名保青氈完師今在林下我立當驚湍師能振宗鐸我徒懷悲酸邂逅一相遇握手平生歡青燈讀家傳山穀釘盂盤相期共努力先德殊未殫

送別友人

送客長松下松間一壺酒酒盡客當去踟躕重攜手念

我平生歡感我離索久豈無絃歌娛歲宴寡親友情深
語反短契合誼益厚居人戀舊鄉行子在遠道灼灼洛
陽花依依漢南柳昨日少年客今朝成老醜一心秉明
德離別何足取

過餘姚州謁嚴子陵故宅高節書院

昔年過桐江釣臺鬱千尺扁舟泊祠下高風不可涉歲
月忽飄零惆悵塵沙隔今來舜江上先生有遺宅林薈
見儀形草木含幽寂南山宰種高氣與秋旻逼尚有古

欽定四庫全書

羽庭集
卷一

十四

風煙睂眴漢物色雙桓高節表千古頽波激仰視客星
堂穹碑頌遺德懷賢拜衣冠愧我持鋒鏑落日照巖扉
涼颼洒芳席蟬聲散餘清孤雲斂微迹天象詎可窺乾
坤渺猶窄長歌雲山詩目送冥冥翼

和高漸雪經歷致仕韻

宛駒縱逸步豈為千里窮長鳴一振鬣閭闔生華風燦
燦黃金絡矯矯玉蒼龍乘駕穆天子周遊四海空瑤池
上仙去寧知八駿功爾亦謝弔牧飄飄載喬松房垣我

窟宅倏忽騰雲中

送內弟王仲祥掾史赴福建省

涼颼薄天際秋聲動羣蟄載酒出城來為子澆鬱悒子
著從事衫浩氣風雲集左手掛弧矢右手持決拾有懷
離別情肯為兒女泣駭骨服鹽車安能久羈羈萬里閩
南路天昏瘴烟濕我昔佐使者分曹行郡邑後來在藩
閫軍民久寧輯念此遭亂離吁嗟亦何及儻見黷宮叟
為我致長揖遺我珠玉篇珍藏猶什襲明月下閩關願
逐清光入

欽定四庫全書

羽庭集
卷一

十五

舟泊石門洞

孤舟一夜雨溪流漲三尺起來推短篷洒然好山色旭
日弄晴暉微雲斂殘迹修眉澹欲舒嬌鬟淨如拭巖華
亞高低幽禽互喧寂仙人石門洞捫蘿可緣陟蒼松雜
疎篁清泉漱白石野鶴從何來長鳴韻嘹唳是時秋氣
中天宇湛虛碧吾徒詩眼明從者行亦適涼月忽在林
客衣風露襲篙人苦相催前灘起鷗鷺

題東坡居士著履圖

楚楚玉堂仙飄飄僊耳客羈孤萬里身誰當慰岑寂黎
家釀新篘相邀風雨夕麻條束縵袍竹笠行山屐歸來
載酒堂泥深步傾仄陶然天地間乃知謫非謫千載慕
風流落月見顏色徘徊仰斗牛高標不可陟

建寧芝山取陸羽泉煎茶次卓習之教授韻

建城南五里芝峯特清麗頗聞此山中有泉出雲際昔
逢老茶仙烹嘗殊品第寥寥百載下幽尋竟誰繼客從

欽定四庫全書

羽庭集
卷一

六

三山來顧茲若神契清風忽我招脫巾坐林翳金芽芝
髓滑石鼎松風細一飲詩脾清再啜凡骨蛻清談各盡
歡悠悠成久憩何當起羽仙飄飄遠塵世

憶別二首

君行湘水頭妾在吳江尾君妾兩相望遙遙數千里音
書似投石歲月如流矢念妾初事君終身托生死豈期
負年少春風誤桃李遠浦雙鴛鴦齊飛墮秋水牆中牆
外花何日復連理抱琴不成彈掩面淚如雨

妾在吳江尾君行湘水頭君恩與妾意共此江水流別
時花未開落葉忽已秋秋風苦裂帛道路無重裘孤燈
與明月照影不照愁有書不堪寄那知沈與浮塵埃生
鐵鏡衣帶寬吳鉤努力君加飯妾身夫何憂

紫薇坡

我時居掖垣堂署多紫薇夜直坐花下明月涵清輝一
為風塵起遂與花相違鐵衣過林樾霞佩在巖扉相逢
喜得得欲語情依依花能擇幽地我乃乘危機愧花作

欽定四庫全書

羽庭集
卷一

十七

招隱行當歌式微

自東嘉與周草庭縣尉同舟至括蒼詩以送之
竿舟上括蒼同載得良友秋日淨宇宙涼颼在林藪地
勢行漸高溪流緣下走潭影日月寒灘聲風雨驟篙師
拽短纜僂僂狀如狗險惡勿相角前呵後揮手來舟欲
挽前去者那肯後復有叩舷人得魚時貫柳青山為主
賓掛石還沽酒白鶴下青田啄以芝千畝仙班儻可尋
宦路亦何有君今去作尉小邑僅如斗况乃山水佳武

夷在其右梅福有古祠丹臺遺藥白須君一問訊肯寄
刀圭否

石門飛瀑次鮮于伯機都事韻

歸然兩石峽連雲不能斷飛瀑忽中分千古作奇觀玉
龍蛻鬚鬣瀨氣薄銀漢銀漢爛不收萬斛跳珠亂天宇
肅高寒候律踰秋半維舟石門下遂得飽清翫山中有
高人為我理焦爨焚香謝塵俗橫經列童冠山猿與野
鶴可聞不可喚平居懷謝樂我亦思張翰

欽定四庫全書

別庭集
卷一

十八

六月四日宴倪仲權荷亭

涼颼起蘋末疎雨滋水花彤雲擁翠幃來駐山人家山
人領賓飲碧筒吸流霞清波蘸方席小屋如仙槎浮光
濕衣袂餘馨散幽遐鳴蜩咽古木竹影森交加坐久良
不厭樂意殊無涯因思越城下擾擾飛塵沙

戊婦吟四首

明月何皎皎白露湛為霜妾身未有託遊子天一方悲
風四邊來中夜起彷徨欲隨明月去懷哉不下堂

妾在父母家衣容常楚楚一朝無良媒嫁作征人婦征
人遠戍邊勤勞日夜苦欲往復躊躇有言不出戶

夫君在邊戍妾身守孤幃欲往備紉拂不如頻寄衣衣
到恐遲遲不到妾不知欲知衣到無明年鴻鴈歸
將軍功未成持牛勞軍士將軍豈無家為妾語夫主勿
為賤妾生寧為將軍死賤妾欲從之軍中無女子
七言古詩

董君諺軍功詩

欽定四庫全書

別庭集
卷一

十九

龍媒神物筋摧奇落落不受黃金羈伯樂一顧價萬倍
乘雲獵霧從驅馳董生逸氣有如此管侯何術能養之
千金購士未為寶人生莫樂新相知至元五稷秋八月
炎荒夜半盲風吹蠢爾無知梗治化結果據穴何險巖
守臣邊吏不敢視貔貅百萬勞王師瘡痍潛消軍卒勇
矢石空遺寒暑移管侯忠貞昭白日金符玉節光陸離
一鼓作氣萬夫勇三軍制命傳節麾帳下豈無謀策士
董生指畫如摘髭凱歌捷奏獻俘馘膏澤大洗民瘡痍

柳營之江春水瀾磐石之陽瘦石蘗我聞昌黎作司馬
隴西用爾平淮夷儒者胷中有兵甲奮忠肯為兒女癡
董生日夜讀古書小試寧無大設施浩歌長嘯風雨作
劍氣直上星斗垂丈夫會遇各有時為君歌此從軍詩

謁建上梨山廟

建安山水東南奇扶輿磅礴來武夷巨靈掣此崐崙秘
煙霞翠碧長淋漓夫何蜿蜒吐金景孤峯特立無與並
千崖萬壑爭獻技盡向梨山作藩屏梨山有廟廟有神

欽定四庫全書

羽庭集
卷一

五

迺是皇唐之蓋臣英英國姓通帝籍字曰德新名曰頻
當時受命拜天子來向建州作刺史建州遠在天南荒
百萬蒼生寄生死刺史下車觀民風刺史下令則民從
道路謳歌閩越最詩書禮樂鄒魯同唐德距今幾百載
德在民心有遺愛生為邦侯死廟食水旱不逢無札厲
年深歲久事模糊祠人罔或識厥初強名爾回字爾度
嗟神之靈詎可誣只今王封又三禩新作王宮五雲起
氣歛掀騰上牛斗溪山秀麗撼風雨邦人鼓舞歌太平

石班鮓香來薦誠劍戟森嚴擁遺像音容響答如平生
我亦辨香謁靈祇對越英姿凜顏色摩挲兩眼看蒼石
但覺閃閃神光擲我聞古有烈丈夫磨牙決齒面裂膚
忠肝義胆相照燭光岳英靈何代無區區作吏謝神寵
百福是道祿是總稽首再拜心為悚梨岳之峰欲飛動

題鄂省知郎中母太夫人劉氏節行詩卷

女蘿託質青松樹半夜髯龍忽飛去庭闌霜月生高寒
碧蔓繁愁幾朝暮仙家種出忘憂華合有春工新雨露

欽定四庫全書

羽庭集
卷一

五

幕中秋香渚蓮開山中黃鵠銜書來見說門楣表貞節
白雲遮斷江聲哀

為黃理問賦百牛圖

谷口山村百牛犢牧子羣來四十六蒼茫牝牡各意態
頭角崢嶸立如簇或行或齧或寢說落日川原豐草綠
一羣遠自村南來一羣相隨過江北兩羣分隊復東西
角力參差忽成觸持鞭左右猛欲答欲答不答互毆遂
前呼後嘿亂不羣散漫陂陀走林麓老翁秉耒歸西疇